

मार्निंग डोगरी न्यूज़ बुलेटिन,

समा. 09.20 Hrs

<><><><><><><><><><><><>

Headlines

- उपराज्यपाल मनोज सिन्हा होरें श्रीनगर च CIPS अवार्ड हासल करने आहले गी सम्मानित कीता- आक्खेया जे लोकें दी आवाज हर सरकार दी नीति दी आत्मा होनी लोड़चदी।
- सरकारै प्रतिबंधत संगठन जमात-ए-इस्लामी ते फलाह-ए-आम ट्रस्ट कन्नै जुड़े 215 स्कूलें गी अपने इख्तेयार हेठ लैने दा फैसला कीता ऐ।
- मुखमंत्री उमर अब्दुल्ला होरें सैनिक स्कूल नगरोटा दे 56में स्थापना दिवस दे मौके पर कुड़ियें दे होस्टल “त्रिवेणी” दा उदघाटन कीता।
- केन्द्री मंत्री रक्षा खडसे होरें आक्खेया ऐ जे जम्मू-कश्मीर ते एहदे नौजवानें गी “विकसित भारत” दे लक्ष्य गी हासल करने च इक बड़ी भूमिका निभानी ऐ।
- ते “खेलो इंडिया वाटर स्पोर्ट्स उत्सव” दे दुए रोज कल मध्य-प्रदेश नै सुन्ने दे सब्भै 4 तगमे अपने नां कीते। अंक तालिका च सब्भनैं शा उप्पर मेजबान जम्मू-कश्मीर त्री थाहरै पर।

<><><><><><><><>

LG -CIPS Awards

उपराज्यपाल मनोज सिन्हा होरें आक्खेया जे कोई बी सरकारी नीति लोकें थमां सुझा लेइयै उन्दी जरूरतें साबबै गे तयार कीती जानी लोड़चदी। नीतियां दफ्तरें च नई सगुआ, जमीनी स्तह पर जाइयै लोकें कोला सुझाह ते सलाह लेइयै उन्दी भलाई-बेहतरी गी ध्यानै च रक्खदे होई

त्यार कीतियां जानी चाहदियां। LG होरें एह गल्ल कल श्रीनगर च CIPS अवार्ड दे जेतुएं गी सम्मानित करने लेई आयोजित इक कार्यक्रम च आकखी। अपने सम्बोधन च LG होरें सब्भन जेतुएं गी इस प्रतिष्ठित पुरस्कार लेई मबारकबाद दिती। उनें आकखेया जे CIPS पुरस्कार इक जरिया ऐ, उनें लोके गी सम्मानित करने दा, जेहड़े समाजी ते आर्थिक तरक्की गी बढ़ावा देने दे कन्नो-कन्नी होरनें गी बी प्रेरित करदे न जे ओह सार्वजनिक प्रणालियें ते समाज च बदलाव आनने आली पैहलकदमियें कन्ने जुड़न ते एहदे च अपनी महत्वपूर्ण भूमिका निभान।

<><><><><><>

Govt. Jet Schools

सरकारै ऐसे 215 स्कूलें गी अपने इख्तेयार च लैने दा हुकम जारी कीता ऐ, जेहड़े सिद्दे जां परोक्ष रुपै च प्रतिबंधित संगठनें कोला मानता हासल न, जिन्दे च जमात-ए-इस्लामी ते फलाह-ए-आम ट्रस्ट वगैरा शामिल न। इनें स्कूलें गी सरकार आसेया अज्जै थमां अपने इख्तेयार हेठ लैने दी मेद ऐ, जेहदे लेई सब्भै तयारियां करी लैती गेदियां न। भारत सरकार दे गृह मंत्रालय आसेया 28 फरवरी 2019 दी अधिसूचना नम्बर 1069 (ई) ते 27 फरवरी 2024 दी इक होर अधिसूचना नम्बर 924 (ई) जेहड़ियां 1967 आहले गैर-कनूनी गतिविधियें पर रोक सरबन्धि कनून दी दफा इक ते 3 तैहत जारी हुकमै मुजब जमात-ए-इस्लामी जम्मू-कश्मीर गी इक गैर-कनूनी संगठन घोषित कीता गेदा ऐ।

<><><><><><>

CM –Sainik School

सैनिक स्कूल नगरोटा नै अपना 56मां स्थापना दिवस इक महत्वपूर्ण उपलब्धी कन्नै मनाया। मुखमंत्री उमर अब्दुल्ला होरें इस मौके पर नमें बनाए गेदे कुड़ियें दे होस्टल -“त्रिवेणी” दा उदघाटन कीता। इस दौरान मुखमंत्री होरें गी Guard of Honour कन्नै सम्मानित बी कीता गया। उनें शौर्य स्मारक पर जाइयै वीर-बहादुरें गी श्रद्धांजलि अर्पित कीती। कार्यक्रम च GOC, HQ कोर-16 Lt. General P.K. Mishra ते COS HQ-16 कोर Major General Paramvir Singh Dagar सने सेना दे वरिष्ठ अफसरें शिरकत कीती। कार्यक्रम मगरा मुखमंत्री होरें मीडिया आलें गी सम्बोधित बी कीता। इस दौरान हालिया संसद इजलास बारे पुच्छे गेदे इक सोआलें दा परता दिंदे होई उनें आक्खेया.

<><><><><><>

Udh- HADP Ist Rank

जम्मू-कश्मीर च समग्र कृषि विकास (HADP) गी लागू करने च उधमपुर जिले नै जुलाई 2025 च पैहली थाहर हासल कीती ऐ। एह जानकारी उधमपुर दियां डिप्टी कमीशनर सलोनी राय होरें जिले च इस कार्यक्रम दी अमलावरी दा आकलन करने लेई इक बैठक दी अध्यक्षता करदे होई दिती। एहदा मकसद अंतर-क्षेत्रीय तालमेल गी मजबूत करने ते कन्नो-कन्नी, करसानें गी लाह हासल करोआने लेई महत्वपूर्ण सरकारी योजनाएं दी समे-सिर ते असरदार अमलावरी यकीनी बनाना ऐ। बैठक दौरान DC होरें मुतलका मैहकमे गी निर्देश दिते जे ओह इस योजनाएं तैहत मते कोला मते करसानें गी जोड़न ते कुसै बी कमी गी असरदार तरीके कन्नै नबेड़ियै एहदी पुज्ज बधाने लेई सक्रिय उपा करन।

<><><><><><><><>

Prog. Announcement

आकाशवाणी जम्मू दे खेत्तरीय समाचार एकांश आसेआ हाल च गै पास होए दे ऑनलाईन गेमिंग दे बाद्दे विस्तार ते विनियम सरबन्धी बिल-2025 उप्पर 20एं मिनटें दी इक विशेष परिचर्चा प्रसारित कीती जा'रदी ऐ जेदे च स्हाड़े मुख्ख परौहने एस.एस.पी साइबर क्राइम मोहम्मद यासिन किचलू होरें स्हाड़ी न्यूज एंकर श्रुति खजूरिया हुंदे नै इस बारै अपने माहिराणा विचार सांझे कीते न। इस बारै बोलदे होई उनें आखेआ।

जेकर तुस इस सरबन्धै च होर मती जानकारी हासल करना चाहंदे हो तां अज्ज दिनें सांझे 12 बजे इस्सै चैनल पर Tune in करी सकदे हो। एह कार्यक्रम medium wave 303 meter यानि 990 किलोहर्टज़, एफ.एम 100 इशारिया 3 मैगाहर्टज़ ते एफ.एम 104 इशारिया 5 मैगाहर्टज़ पर बी उपलब्ध होग।

<><><><><><><><>

Khadse JK Youth

केन्द्रीय खेड्ड ते युवा मामले सरबन्धी राज्यमंत्री रक्षा खडसे होरें आक्खेया जे 2047 तोड़ी विकसित भारत दा लक्ष्य हासल करने लेई जम्मू-कश्मीर ते एहदे नौजवानें गी बड़ी महत्वपूर्ण भूमिका निभानी ऐ। उनें आक्खेया जे प्रधानमंत्री नरेन्द्र मोदी हुंदे इस सुक्खने गी पूरा करने च ते दैसे गी अग्गे लेइयै जाने च जम्मू-कश्मीर दे युवाएं दी बड़ी महत्वपूर्ण भूमिका रौहग। खडसे

होरें एह गल्ल जापान च अगले बरे होने आहली एशियाई खेड्डें लेई Sher-e-Kashmir Indoor स्टेडियम च वुशु Trials च शिरकत करदे होई आक्खी- जेहदे च तकरीबन 200 शा मते खडारियें हिस्सा लैता। मंत्री होरें आक्खेया जे केन्द्र सरकार जम्मू-कश्मीर दे युवाएं गी खेड्डें कन्नै जोड़ने दी पूरी-पूरी कोशश करा रदी ऐ तां जे ओह देसैं लेई मैडल जितियै भारत दा नां रोशन करन।

<><><><><><>

Khelo India Water Sports

श्रीनगर च आयोजित खेलो इंडिया वाटर स्पोर्ट्स Festival-2025 दे दुए रोज कल मध्य प्रदेश नै बेहतरीन प्रदर्शन करदे होई सब्भै 4 सुन्नै दे तगमे अपने नां करी लैते। एहदे कन्नै गै मध्य-प्रदेश दी टीम हून अंकतालिका च कुल 7 तगमे कन्नै पैहली थाहर पर ऐ। इंदे चा 4 सुन्ने दे इक चांदी दा ते 2 कैह दे तगमे शामिल न। इससै चाल्ती ओडिशा दी टीम 1 सुन्ने दा ते 3 चांदी दे तगमे जितियै कुल 4 तगमें कन्नै हून दुई थाहर पर पुज्जी गेदी ऐ। मेजबान जम्मू-कश्मीर दी टीम त्री थाहरा पर इक सुन्ने दा, इक चांदा दा ते इक कैह दा तगमा जितियै कुल 3 तगमे अपने नां करियै प्रतियोगिता च अगगे बधा रदी ऐ। इक सुन्ने दा इक कैह दे तगमे कन्नै उत्तर-प्रदेश चौथी थाहर पर जिस्सलै के इक चांदी दा ते 2 कैह दे तगमे सनै केरला नै 5मीं थाहर हासल कीती ऐ। तोंआई उत्तराखंड दी टीम छड़े दंऊ मैडल कन्नै सब्भै शा पिच्छे ऐ। अज्ज अखीरले ध्याड़े 17 तगमे लेई प्रतियोगिता होगन जिन्दे चा 10 छड़ी Rowing लेई गै ऐन।

<><><><><><>

Vehicle Modifications

जम्मू दे जिला मैजिस्ट्रेट डाक्टर राकेश मिन्हास होरें साफ कीता ऐ जे लोकें आसेया दायर कीती गेदियें, आपतियें ते चिंताएं गी दूर करने लेई हाल च जारी गड्डियें च बदलाव ते सुधार करने आहले हुकमै मुजब, एह मॉडीफिकेशन छड़ी उनें गड्डियें च कीती जाहग जिन्दे च गड्डी आहलें, अपनी मर्जी कन्ने कोई बदलाव कीते देन जेहड़े निर्माता कम्पनी दे बुनियादी नियमें कोला हटियें बक्खरे न। जारी हुकमे च आक्खेया गेदा ऐ जे गड्डी मालकें गी ओ सब्बै चीजां हटानियां होगन, जिन्दे नै सिड़क ते ट्रैफिक नियमें दी खलाफवर्जी हुन्दी ऐ जां सार्वजनिक सुरक्षा लेई असुविधा जां खतरा पेदा हुंदा ऐ, जियां जे प्रेशर हार्न, काले शीशे, सामने आवारदी गड्डी दे ड्रैवर दी अक्खी च पौने आहली हाई-इन्टेन्सरी लाइटां वगैरा। डिप्टी कमीशनर होरें अगगे साफ कीता BIS आसेया मंजूरी दिते गेदे एलॉय व्हील पर कोई रोक नेही होग। इस बारे मीडिया कन्ने गल्ल करदे होई जिला मैजिस्ट्रेस जम्मू होरें आक्खेया.

<><><><><><>